

兩朝從信錄

兩朝從信錄卷之三十一

秀木

沈國元述

七月

王之臣袁崇煥會議總兵滿桂掛征虜將軍印鎮守山海  
關北關門兼管四路

冊封遼寧長公主

刑科黃承吳綜覈以成明作之治疏曰切觀

神祖末年靜攝日久人情怠弛我

皇上有鑒于斯年來政尚嚴肅雷勵風行一時有振刷之  
象矣乃積弛已久習翫犹存尚有視

如之謂也  
謀必明事  
必行如是  
時雖有許  
多更張舉  
動總非急  
務而廢關

正事實多  
刑罰此  
可謂曲而  
甲亥

絲綸如故紙者臣畧摘數事爲

皇上陳之如

祖宗立六科註銷之法以綜覈六部之務法至善也

皇上御極之四年有旨照例註銷乃今註銷者誰乎天下  
必有一定之是非不可不明之功罪一切章疏下部自當  
一一復奏是者還之以是非者還之以非則正氣斯伸奸  
情莫遁乃今以模稜爲得計以沉閣爲良謀下部之

疏十閣二三豈厲精之朝所宜有乎有曾奉 旨推京

堂推巡撫者自當遇缺先推乃舊冢宰既偏聽而又獨任

仰選郎亦不得與其議每遇缺出推其所推而赫赫

明綸全不照管豈所以遵

君命乎去年銓部復奉

欽依凡有別衙門轉入大理寺屬徑升寺副不得又轉評  
事以潤正選之途議至善也曾未一年而轉評事者且累  
累矣豈功令固可朝更而夕改乎保甲鄉兵自是彈盜防  
患之良法屢奉 旨舉行臣春初假滿還朝正值東事孔  
棘洵洵臣沿途訪問鄉兵杳然絕響惟景州知州晉承命  
調度有法壯勇林林可觀其他皆曰往年征調畏人故民  
皆不願克兵必須工食以爲召募今庫藏如洗安所得工  
食然則鄉兵終不可練而

明。青。遂。成。畫。餅。乎。若。有。司。不。爲。肥。家。計。而。爲。地。方。計。切。恐。  
工。食。亦。自。可。措。也。諸。如。此。類。未。敢。盡。述。以。質。

天。聰。書。曰。慎。乃。出。令。令。出。惟。行。是。以。古。之。帝。王。當。令。之。未。  
出。也。則。兢兢。焉。慎。之。又。慎。而。不。敢。輕。勿。使。有。窒。礙。難。行。之。  
事。及。其。既。出。也。則。堅。如。金。石。信。如。四。時。令。下。人。奉。之。如。舊。  
蔡。此。紀。綱。所。以。立。而。政。教。所。以。行。也。若。

王。言。可。以。廢。閣。尚。安。有。紀。綱。與。政。教。乎。伏。乞。

皇。上。嚴。加。綜。覈。法。在。必。行。事。期。徹。底。庶。人。情。不。敢。翫。惕。而。  
聖。政。益。見。清。明。矣。

吏部奉

聖旨施鳳來張瑞圖李國楫各升禮部尚書兼東閣大學士俱入內閣同首輔顧秉謙等辦事

時北地淫雨爲災自畿輔以及關門內外無在不告急

上命作速修築倒塌城垣營房議補冲損兵馬糧草拯恤灾傷疾病

督師王之臣曰親勘被災處所見軍士頂席片而立馬卧濕泥之上彌塌狼狽之狀悲哭哽咽之聲不忍見聞巡撫袁崇煥曰山海內外官舍民居倒塌無算軍馬露處疾病相連中前木黍狼籍波濤前屯中后右復然糧舫三軍命脉皆飄蕩如洗塔營積滑煙已產蛙將來不知如何作計恐有不忍料不忍言者乃順天巡撫劉詔以邊垣冲倒民命堪危告矣府丞劉志選以水災異變民不堪命告矣

天壽山守陵太監又以驟水冲倒寶城神路橋梁紅門牆垣博岸告矣延綏清潤縣又以冲没人畜告矣火變

朱已繼以水災正上。天以惡黨播刑酷罰草荒人命故多方以警醒之而彼全不覺悟相率而與焰俱盡與波俱溺寧不哀哉。

一十四口駙馬齊贊元尚

茂寧長公主

晉張五典太子太保廕一子入監讀書

八月

雲南巡撫閔洪學奏報獻賊夷人中途被殺據實叅糾章  
下所司

兵科叅看得安酋之爲西南患年數多矣師老財匱勦滅  
無期庶幾用間用計巧行羈縻之法令酋中自縛獻其元  
兇亦彼中當事之苦心也安効良縛安應龍來獻在我  
正宜獎賞其長而厚結之堅其內附以俟異日之再

獻豈非一最善之機括也哉何曲清道王鎔以筆蘇應龍  
之故謀殺安効良縛獻之使何與先保邦正于曲靖城  
外也據疏速列情景歷歷逼真尚欲從其資就日兩次賊



來雖繫自近開亦與同將士捍之而走然兩軍對壘之間士卒之肝腦塗地者蓋不知其幾千人矣况致安效良藉口殺他獻功之人復肆猖獗爭功起釁莫此爲甚如王鎮者急當從重處議以爲邊臣之炯戒可也倘曰遐方邊臣姑從末減恐有效而尤之者抄出嚴之

刑部奉

聖旨方震孺原以擬絞不思悔禍又復居間捍法加斬非過劉鐸身罹法網仍肆奸貪爲人夤緣加戍永宜李端以錫金丹一併遣戍其餘依擬

侯簡杜三策徐應秋削奪

時指其爲  
門戶故也

上諭工部朔風將起朕念兵士寒苦皮襖照舊例加銀二錢每給銀八錢以彰朝廷優卹至意着作速解關不得遲悞該部知道

登州衛角樓火

閏六月十六日五鼓有紅雲一團自西南起直至此樓內似雷聲頃刻迸烈猛火冲天壓死守宿餘丁徐二等二名角樓頃刻化爲灰燼積貯火藥蕩然一空亦奇變也

寧夏巡撫史永安奏看得款虜一事國家每年費多少錢糧而夷欲無厭動輒擁衆挾賞如干兒罵補打大生餉俱爭天啓五年五過市賞例該把舊市互兌挨次輪市

成規已久。今乃妄肆要挾。糾衆臨邊犯搶。情形似不可遣  
矣。大抵皆衆醜朋謀。特借于補爲名耳。臣因本鎮兵馬精  
銳。屢被挑選。糧餉時常匱絀。不得已支吾款局。不敢好大  
啓釁。乃狡酋不戢。無故而思狂逞。臣等忠憤所激。何忍受  
此犬羊閭氣。而不亟詣一大創之。除會同總兵談世德。懸  
賞誓師。申明號令。鼓舞正奇游三營。并各營堡官兵。操甲  
厲刃。相機截殺。應援務挫賊鋒。以保無虞。係于虜情。塘報  
錦衣衛奉

聖旨。這拿到犯人吳養春等。通送東廠。與胡君實等會同  
質對明白具奏。

奴酋東侵、岳鎮將士奮勇截殺、敗之于大石門嶺、七道河、  
擒獲夷人四十二名、報捷解俘、

六月  
中葉、

鎮撫司奉

聖旨、劉鐸賦性好貪、設心險毒、既以鑽謀擬戍、復同鎮壓  
重臣、方景陽、因姦殺妻、已干大辟、今又肆行邪術、咀呪興  
妖、一千人犯、都送刑部從重擬罪、張體乾緝捕有功、陞都  
督同知、把總各應選、加陞叅將、仍管把總事、其餘叅將中  
軍等官、着兵部照例優叙、該部知道、

東省蝗、

東廠奉

聖旨犯人吳養春等既與胡君實等質對明白都着錦衣衛拿送鎮撫司嚴刑究問追贓黃山見在蓄養木植着差官前去會同撫按變價解進以助大工仍將山場地畝盡歸朝廷以充公用其許應薦茅培聽殿發落工部知道遼東巡撫袁崇煥上言切照奴營以來合中外文武邊腹之全力以爲防然捐棄兩河未有勝着此未易以言悉也惟舊督臣王象乾經臣王在晉撫存西虜奴窮于無所入舊撫輔孫承宗與原撫今督閩鳴太決出關用遼人之議奴窮于無所導故靜伏者三年自去秋河上遂覩我之虛

實故傾巢入犯。視最爾之寧遠如杞上肉。至兵過錦石一帶。彼不知臣之先行撤入。而謂我畏先逃。故一往無復。而忌直抵寧遠城下。臣又偃旂息鼓待之。城中若無人。其愈易而併力以攻孰知臣之厚備而奮擊也。出其意外。故措手不及而敗。悉賊已悉我之伎倆矣。遂棄其無用之攻具。歸而造其能爲我害者。如板厚二寸之戰車。革以裹之。艱于渡。故爲舟。舟不得法。不可渡。故取十方寺上流之淺。以濟師。至必由之路。則紗花五大營駐牧之處。故據囊素台吉。而驅捲各營。且請家丁于瀋陽。携之以入犯。爲一進不退計。熟知毛文龍徑襲遼陽。故旋兵相應。使非毛帥搗虛。

錦寧又受敵矣。毛帥雖被創兵折，然數年牽掣之功，此爲最烈。此賊數十年未經一創，况損于我而償于西虜與毛帥，奴氣又復振，能一刻忘臣哉！無奈積雨成川，我之哨馬且不能往，彼之大衆安得來。且秋收之亟，過此以往，彼日能來，而我刻刻當備者也。且結西虜以伐我，交婦人餽馬以休兵力，奴老于攻戰，且號知兵。若至避我從東攻擊之法，不過斷不輕來，彼原有足恃者。而又以忿心出之，奴未可易視也。至在秋冬乾燥，溝河水淺之時，若犯必攻山海，蓋攻必攻堅，堅者瑕則無所不瑕。若揚言殺錦寧而以全力攻關，必生詭計。夫越國鄙原不可能，近攻尚恃遠。

交伐虢必須假道安有舍一難攻之寧遠輕越其郊而度背受敵從來無此法奴深于兵者也蓋危我無所不備無所不寡奴實狡且秘然臣不懼也惟日前雨患城塙艱于修築然已併力爲之卽遲來速至深入臣都有可以相當者饒他千態萬狀臣只一味簡易平常彼之遠來利速戰能戰之兵又利在得戰臣只一味死守今至無得而與我戰便自困之惟困之乃得而與圖之如今春臣面懇于經臣高弟無發援兵衆方疑之蓋接絕而人方致死必能力能生自是古法顧以爲經臣尤臣罪大矣我皇上只置經督二臣與臣于度外惟至所便宜臣又願二



臣置臣于度外亦惟至所便宜臣布置于關外二百里內。  
或斷或續亦合亦分。有守有不守必圖一恰當以報。

皇上斷不令奴近關門。關內只緊閉不令一兵出入便是。  
萬全勝笑蓋不貪功便無絲以致敗。若貪一擊之利合屬。  
交鋒從前之禍立見此又非可以言悉。督師老于邊事能。  
在臣先必不煩言慮也。此爲治標之法若治本則難言之。  
然又無容不治者也。從古未有兵連禍結至八九年者有。  
之則自東事始微。

祖宗之培植厚與

皇上之德澤深豈能有今日乎。此事之至危可一不可。

再者也。今便欲局之速結。焉得而結之。然局未必卽結。艱于勢也。非我所得而主。而事之理。則若有可憑。不在于終局之日也。纔下手。便已了了。勿姑爲而姑試之。如

皇上頃折衷。廷臣之議。關內外分屬之于兩鎮之三差中。爲直捷了當之計。豈英謀睿慮。超越千古。直以奴患付臣等。更無可避。况經督兩臣。又天下之豪然也。何得不殫督畢力策臣爲

皇上完此一塊土。撫臣劉詔與臣關切如左右手。諸道臣畢自肅。王應豸。張春。張翬明。俱有識有力。與餉臣黃運太解運如期。總兵趙卒教。慮最精。滿桂氣可鼓。卽鎮守諸臣。

諸內臣俱身視邊患無愧

皇上之家督以臣之迂拙左右其中何功不竟蓋天下  
事固成于有所因亦敗于多所倚漢多出塞之功則在于  
能任如班超馬龍虞翻輩顧其才可用則盡其所欲爲故  
成功惟漢爲最唐安史之亂蹂蹂長安而不敢窺澤潞  
則在 廷之權分而藩鎮之權一也唐室無恙終賴藩鎮  
之功至宋始則以 天下奉契丹繼則以 天下守河北  
故力以全用而無余卒之遂以 天下殉合三代而得失  
了然奴而能爲 中國患則其獨擁一方生殺予奪之自  
繇生聚教訓之不易而我調四方烏合當之彼以專我以

散分彼以常我以暫宜乎不相及今言言皆然  
皇上以關外關內分屬責有攸司生殺予奪生聚教訓專  
而不分常而不暫猶之乎奴也而又與以內地之轉輸又  
多彼此之交護如捕虎焉此人日中已無虎更豈發縱倚  
角之有人餉餽擒打之有具則虎之不能爲患審也關內  
見兵不滿三萬必足三萬始可爲關外之勁關外則六萬  
餘兵之馬驟三萬八千餘兵與馬見在關外者俱未有此  
數候增而補之往時當遼事者或索兵三十萬二十萬臣  
今定于六萬餘稍益之修築之班軍耳豈好川窶哉但賊  
窮于無可繼役不堪再藉以遼人守遼土上下井牧之相

附。寡而有多之用。月餉草乾歲銀一百六十餘萬零。米三十五萬一千石零。料四十七萬四千八百石零。兵馬錢糧。註爲定額。且守且戰。且築且圮。撫西虜以拒東夷。來歲屯。往之所入。可以漸減海運。大段堅壁清野。以爲乘間擊惰。以爲隨機應變。如水到渠成。方畧原不得拘有必不可留者。總兵也。已用趙率教一人在左屯。而領前鋒無戰不克。無履不險。今前鋒如舊。仍河東付總兵之體統。以承關內。關外二鎮之乏而不可少者。餉司也。歲完一百六十萬之出入。已多于永平薊州之各鎮。而寧遠待餉于關內二百里。往返頗覺至艱。況爲遼東舊有之官。或宜竝設如撫鎮。

若臣鯨曠已久。罪戾實深。二親在暴。不宜一刻戀此。但求去一日。宜一日經營。偕諸臣苦心戮力。務以生聚爲節省。事則年治一年。餉則日省一日。務還。

祖宗幅輳法制之舊。蓋日計不足。月計有餘。月計不足。歲計有餘。戰則不足。守則有餘。守既有餘。戰無不足。不必侈言恢復。而遼無不復。不必急言平奴。而奴無不平。卽此一番更定。奴自不能爲患。卽以下手之日爲結局之日可也。蓋人可遞易。而着數必不可更移。如金城圖上方略以夷攻夷。卒之償如左券。主謀先定故也。古今人原不相遠。而難成易敗者功。蓋勇猛克敵。敵必讐。振奮立功。衆必忌。况

任勞之必任怨。蒙罪始可以有功。怨不深。勞不厚。罪不大。功不成。謗書盈篋。毀言沓至。從來如此。惟樂羊與卽墨大夫。幸結獨知于英主。今臣與諸臣遭遇。

聖明。惟心置腹。踰越古人。惟

皇上與廷臣始終之。

封疆共有賴矣。伏乞

皇上察臣一得之愚。

勅下該部

採擇施行。奉

聖旨。覽奏。具見石畫深謀。主守不主戰。尤是制奴穩着。關

外另設餉司、着戶部議覆朕念切封疆、委任責成、不啻推心置腹、安有謗訕離間、還着殫力防禦、一意滅奴、勿以瞻顧分心、該部知道、

賜川湖總督閔夢得尚方劍、

北鎮撫司奉

聖旨、程夢庚等、賊銀十三萬六千兩、本司立限嚴追、吳養春、賊銀六十餘萬、着行撫按照數作速追解、其山場木植銀三十餘萬兩、工部卽差官會同撫按估計變價解進、以助大工、山場地二千四百餘畝、并隱匿山地、與拋荒地上、未入冊者、查出升科、盡歸朝廷、不得仍前隱漏、嚴臣魏忠



巡撫  
北使

賢報國赤心、發奸巨手、搜剔黃山之大弊、克塞紫極之浩  
煩、省金錢而工愈饒、不加賦而財用足、種種勛勞、茲功更  
懋、着廕第侄一人、與做錦衣衛指揮使、世襲、給與應得誥  
命、仍賜勅獎勵、以示優異、運貨銀五十兩、采段四表裏、羊  
二隻、酒三十瓶、新鈔三千貫、原辦官旂、照例優叙、該部知  
道、

刑部奉

聖旨、劉鐸、曾雲龍、彭文炳、劉福俱依擬、即便會官處決、辛  
雲佑遣戍、方景陽雖已物故、還當戮屍、司官高默、徐日葵、  
陳振家、湯本沛、先係徇情賣法、及奉嚴旨、纔行改正、着降

三級調外任該部知道

福建地震

鎮撫司奉

聖旨犯人徐自強等着送刑部如律擬罪張國紀身係皇親宜恪遵禮義不得濫用匠人本官送國子監演禮三年姑着自行省改該部知道

忠賢借遵奉

懿旨之名輒以徐自強等為緣中傷

戚親傾搖

司后可謂狹矣

九月

工科王夢尹以東江有當整頓之成局奴酋有可招來之部落從實敷陳以圖恢復勝算疏曰臣向奉使海外風聞尚得論列而况臣所親經之地苟外尚得指陳而况臣所躬嘗之事何敢嘿嘿而處此董一一爲

皇上陳之仰祈

睿覽採擇焉一名器之當重也海外叅遊等官不下二百餘員而經兵部

題授者幾何人臣以爲多固足以備用但今日一都司明日一遊擊在文龍固借此以鼓舞士心竟究得官易而人

不知榮文龍鼓舞之術亦窮况一借名色歸遊海內黃蓋腰金號千人曰文龍之屬員也在文龍已不知其人之作何狀供何職矣此文龍亦對臣稱苦者臣以爲隨便授官宜行于暫而不宜行于常東江一鎮可謂暫而常矣似宜令文龍清汰一番酌定地方酌定職業據各將官年勞造冊登撫具

題兵部酌復除已經

題授者及千把總等官聽便委用其餘查其年勞量授職級俟其年深績茂仍與題

請升授間與

內地互相升調使叨升者感

朝廷之

恩遇而思報望升者慕

朝廷之

寵榮而思企各弁旣以爲榮官又以品自砥毛文龍亦得  
猛士之爲用矣。一兵額之當限也。臣語文龍曰兵多則難  
精而况餉不給乎。爲今日計惟汰冗食以足餉足兵以強  
兵或牽制或進攻乃克有濟耳。東江兵雖稱十五萬而屯  
田之口盡充其中合無將見在之兵令文龍精選一番或三  
四萬或五六萬就津登之本折筵項酌算務令兵不浮于

食如有不給而仍以屯田者足之其屯兵就各兵之父兄子弟約定名數務足屯田之用戰士則厚其廩糧屯田則飽其家室其有餘之衆或移

內地或移之寧遠壯者籍爲兵弱者籍爲屯在戶部既不苦無米之炊在文龍亦不苦庚癸之呼在遼民旣免凍餓之虞又遂生全之路上感

國恩下念家仇而勇氣亦百倍矣若添餉以資恢復恐中原之物力有限海上之需待無窮是在

皇上

睿慮特裁非臣所敢妄議也一而兵之當裁也臣聞南兵

出海時、名雖數千、至島不及一千、毛文龍慮其虛弱、遂以  
遣人補之、四五年來、陰陽之消磨、饑寒之零落、又不知凡  
幾矣、況以北人補南兵、名雖南而實北、何益乎、乃廩東江  
之餉三分之一、令無除堪留駕舡水手之用外、以遼人歸  
入遼兵、其南兵之老病不堪者、汰之南還、去姑存之虛名、  
成盡一之紀律、庶名實相稱、而士伍無假借矣、一餉運之  
當、蠶也、海外屯田、其收入也、有時、其友給也有限、而與商  
人及朝伴貿易、統賴餉銀、是遼人之存活、全賴

內地之轉輸也、獨天津糧米、運發及時、而山東餉銀、發解  
未免後時、彼管餉之奸弁、遂得借口開報不清、以致海外

造冊竟不收入、不思遼民孤島中懸釜待炊、能待此西江之水平、合無申飭議省、預爲解給、務要當年之餉完在五、月以前、庶六七月間風便可至、倘稍遲月日、秋風一起、徒、竟魚龍之腹、不然、亦以今歲之餉而療來歲之饑矣、一部、落之當招也、攻人之法、以長攻短者勝、聞自遼陽廣寧潰、陷後、奴所得子女玉帛、分給各牛鹿部落者、不可數計、其、日用飲食起居、不啻、

中國富家翁也、聞有征調、各抱妻孥相哭、視昔之勇健悍、勢稍有間矣、且其富厚、尊寵者、皆建酋真種、如白羊骨瓦、兒哈北關魚皮等部落、俱被虐使、頗懷怨恨、欲逃無所、此、



亦奴之短于馭衆也。若

敕令邊職廣布文告。明招暗誘。收其犂二之部落。處之島中。或擇地築城以居之。使奴日夜不得安枕。或亦弱奴之一端。如謂部落來降。恐有奸詐。且歸降者少。無益于事。歸降者多。難爲安插。職以爲嚴爲約束。自可無患。不然者在奴地爲奴用。詎不足煩我國度乎。統候

聖裁。以上五款。因時酌量。就事調停。總之使下無私官。官無私民。糧餉歸于實用。以成恢復之實事。導

朝廷而固

封疆。端不外此奉

聖旨這條陳五款具見方畧有裨東江軍務着該部作速酌議施行

左副都御史劉廷元疏請改正

皇考光宗實錄并論廣西副使曹學佺削藉

時學佺有野史紀畧一書議論與  
要典相反故削爵毀板

平遼總兵毛文龍上言爲遵

旨奏報直陳結局疏曰

天啓六年四月十一日深入掣奴適聞閩臣至島收歸鐵  
山復于本月十八日接得兵部劄付爲海外捷音復至等  
事謂奴犯寧遠已經三月職竟不知所住須彌島去奴寨

二千餘里，遠不相救。著職自己審處。

奏報以圖結局，皆出自

聖裁。而部議又謂海外一旅，所不憚悉索以供之者，專爲牽制一着。今奴西向，有如風馬牛，卽欲職移駐近島，扼要反覆，復讀且驚且喜，驚則驚奴犯寧遠，謂職不知，喜則喜皇上念及結局，謂當自己審處。然職于奴非不知者，亦非但知之者。職于上年十月內，卽發塘報言：奴于燈節前後，必大舉入犯，謂右屯等處更宜加嚴防守，職以先知之矣。卽經臣高第曾云：得職塘報，而預令道鎮預爲料理，是職之先知，已爲寧遠戰守計矣。及至今年正月十五日，卽雲

附錄卷之二  
十六  
從山發兵、本月二十日職卽督官兵至沿江一帶督發深人、令易承惠等進攻威寧營、林茂春王輔生進襲海州等處、皆有擒斬、奴聞掣圍、是職不但知之、亦盡力牽制之矣、特苦糧餉不足、不能與賊久持、器具不備、卽尅復城堡、不能站住保守、

廟堂以奴援兵徐歸、便謂職不牽制、豈誠奴已攻圍被敗、正是強弩之末、又慮寧遠全軍追逐、是不得不爲援兵之計、以此指爲不知、豈不拊心長嘆、所駐須彌島、卽名西彌島、一連有三山、周圍廣濶二百餘里、中則雲從山、前則西彌山、再後則真珠山、以陸程計、雲從之離鉄山有八十里、

以水程計、鉄山之至雲從僅三十里、雲從與西彌從大路去、至义州止一百六十里、鉄山從水路去、亦如之、义州與鎮江相對、不過有三四里、鎮江至遼陽三百六十里、是鉄山與西彌與奴寨總之相距、在五百里內、今謂去奴三千餘里、政不知何臣作此誑言以欺我

皇上、去冬移駐雲從、原爲鉄山樹木已盡、無所樵採、移以就便、迺指爲規避、又不知何人故爲異議、以誣此東江、今聞臣于五月十九日至島、親望見西彌、清歷义州、以悉遠近、則遼陽之奴寨可知、惟其去奴不遠、所以知之極真、牽之極切、職可不辨而自明、惟是令職自己審處一節、職有

平陽集卷之三  
熟算自信足圖結局

請爲我

皇上一一陳之。夫兵事首論人心，次論地勢。再次則算有成謀者。尤當以之而始局，卽以之而終局矣。奴酋吞據遼瀋，當其鋒者，首議三方布置。今着止寧遠暨東江耳。以人心論，寧遠遼兵少而西兵多，東江則以海外孤懸，無所退避。盡用命之人心，以地勢論，寧遠至山海一線可通，諸凡餉械易輸易足，東江則往來接濟，春俟凍閉，直至清明節後，人方敢渡海，及冬稍凍，前無糧草，後無援兵，便成絕地，使能站立得定，亦非易事。然寧遠至遼瀋，俱係寬平坦道。

無險要含藏難以出奇攻襲可守而不可戰東江則憑險  
可以設疑出奇可以制勝水陸齊通接濟則艱戰守則得  
悉有爲地勢人心與地勢旣以兩得其所以進剿恢復終  
是東江事半而功倍此非敢侈言也實一定之情形必然  
之事勢緣向來

廟堂議論以東江爲牽制之虛局不以爲進剿之實事錢  
糧半餒半飽軍需若有若無奴不西去不言牽制得力奴  
一遇河便言職不牽制豈不念全遼不復山海終危奴賊  
不滅終爲  
國忠職于

天啓三年間早已料之。又豈不念弗謂得過一日。紐目前之小安。忘

靈長之大計。職于亦

天啓三年間蚤提醒之爲因

廟堂全無一定之計。奴伏而羣情泄泄。奴動而衆議紛紛。

更不以職言爲是。急加糧餉軍需。乘時剿復。致有今日。及至今日。便議移鎮。此何見也。前

請加餉兩年以內。分文未增。所

請器械兩年亦未運至。所

請舡隻。今方鳩工。未得一帆應用。今部猶言不憚悉索以



供之將示麗人好聽乎抑以此而嚇奴酋也切恐東江移鎮卽失地勢倂惑人心無論不能進剿亦不能牽制斷斷乎其不可者如以職自處之愚見歲餉而

請二百萬兩今者

京庫山東之歲餉已有四十萬兩再加六十萬兩津運之截漕何止十萬石今

請加二十萬石山東之價買率糧歲定十萬石糧總得四十萬石再有不足索之屯田併准東江于淮膠等處自爲設處買運其軍少器械除三四年分所

請發熟鉄農具防裨等項除天津運解外今

請准

天啓四年內制虜前備之科叅不必官商置辨竟以部銀歲給十萬兩以聽東江之自造海上以舡爲命沙唬舡尚請造三百隻登淮造一百隻今

請加沙舡九十隻唬舡六十隻共得二百五十隻欲喻西虜連絡之情以絕奴酋西賄之路鎮印萬頃查給舊征虜前將軍印何爲西虜熟識卽東江能與西虜往來要約無印不足以取信

請查給之欲課東江進剿之績併顯餉械接濟之需上年六月間職雖具疏

請內臣一員并

請舊撫臣王化貞出海督臣部臣台省諸臣屢言之知非東江一已之私今宜令其出海監督再加東江開一標鹽引照寧遠汨舊例官賣以幫運腳糧餉足用器械精堅舟師備具連路監督有人東鎮仍駐東江委托胆畧之將授以方畧恢復廣寧駐兵三岔可尅期于二年內夫逆奴進犯止有二路從鎮靜堡進守廣寧便可當鎮靜之鋒遠濬來從三岔河過駐三岔便可截狂奴之渡必如是而寧遠可以安堵山海可以無虞。

神京奠。

陵寢寧而

天下完固。先結此小局。另議復遼平奴之大局。再爲尅期不幾乎有次第哉。只此信爲今日要着。然不自今日始言之也。上年已具疏

奏聞。蒙部可其議。謂尅期兩年不爲遠。錢糧百萬不爲多。似乎今日真屬可行。此則東江自己審處之一策也。然還念之。

以上數事。最爲簡省。最爲緊要。酌其可以措應。亦酌其可以

俯從。是不敢隱熟算之籌畫。以虛明問。倘當事者意見有

主門戶自分于此數事有一不如職

請此局終難圖結深爲可惜惜以如許之兵民數年之撫練一旦委弃之耳至于東江之南北官兵饑寒窮苦最可怨嘆上年十月永結斷運迄今已踰八月津運顆粒未至去年所剩青州銀兩于登買運者止至百石餘嗷嗷之衆張願待哺幸得去冬所存之貨換買麗糧十萬餘石分給糊口至三月終人已告絕餓死無數又移文乞借于高麗熟米七十餘包爲糶進攻遼陽鞍山等處以撤奴困具見塘報雖損兵折將而奴已掣回矣職一腔之熱血遂畢但行軍草野卧地十六夜風雨淋漓致受濕氣手足痲痺百

病交發且以南北官兵奄奄乏食束手持斃傷痛切心卧床不起難以理事

請將

天啓五年以前除山東新餉外凡有

京發帑餉津運粮石收用官員挑選壯丁設在營伍存營器械需舡隻等項備造冊籍差官查送報部以備查核五年之內用若干粮养活若干官生兵衆牛馬騾匹廩足職一齋苦心伏乞

皇上軫念

利授安危係于寧遠東江兩地若移撤東江兵馬不惟迫

利失人心搖而勦復難期。又恐愈近奴而戰守工夫難定。奴不滅而一息之奴氛愈難制也。職固不足惜。其如封疆何。則遼之爲遼。尚有不忍言者矣。伏懇

皇上

敕下閣樞會議。速擇賢能代職料理。用職之言。以終此局。不惟職尾大之心跡且明。而

封疆之大事亦完。卽遊于泉壤間。深感

皇上鴻恩。全始全終。當勵覓殺賊以圖仰報。或曰。奴賊西犯。職故爲此辭。不知職之焦勞成病原爲乏糧餉。乏器械。乏同心。共濟其非畏敵也明矣。使職而果畏敵。當日遼事

敗坏、經院道鎮業已數斃、兵馬盡西、使職不知此局、當與草木同腐、飄然長往也、又何以率三百人而來東江、擒偽賊、沐

皇恩而不能知始局、自是知終局、今日何以撫招兵民至數十餘萬而求代、則病果入膏肓、自分難以救治、恐悞國而併以悞東江、是吐向扼之愚忠、祈立善後之左券也、奉

聖旨、覽奏、知道了、疏說地勢人心極明、不必移駐、其請器械、舡隻、餉銀、着該部酌議具奏、兵部知道

吏部奉



聖旨量能授任、朝有彝章、量力服官、臣有定義、各官年力  
衰邁的、義當自裁、其素有品望的、着與加銜致仕、以示風  
勵、你部卽遵旨分別具奏行、

刑科黃承昊請允袁崇煥議設餉司奉

聖旨、黃承昊係東林、不自引退、反條陳寒責、着削了職、爲  
民當差、仍追奪誥命、該部知道、

工部奉

聖旨、黃山木植久爲奸宄盤踞、差主事呂下問給與專敕、  
以重事權、撫按道府、務與同心協力、遵照原題上緊追解、  
毋得彼此推諉、責有所歸、其山場地畝、仍着撫按官丈量、

等則酌定賦額另行具奏

編修姜曰廣工科王夢尹遵

旨便道詳聞事竣謹陳海外情形疏曰

天啓五年十月十六日該科王夢尹

題爲海外孤軍可念糧餉酌數宜酌重

獻剪莠之言仰祈

聖明採擇以固牽制之局事奉

聖旨海外情形卽着頒詔二臣便道詳聞具奏以憑酌議  
不必另自差官該部知道欽此欽遵職等以

詔書嚴重先朝鮮國開讀事竣隨道

旨便道沿島詳閱間凡目所親見耳所親聞者一切情形不敢稍加粧點以上負

明命亦不敢稍加減匿以下負輿情明有

國法幽有鬼神上有明見萬里之

聖人下有萬耳萬目往來不斷之舟楫職等敢不凜凜慎焉語曰民爲貴董先爲

皇上陳遼民之情形而次及其他自被擄遼民苦奴之虐甚也各島中行有來歸者男婦子女四五年所不啻十餘萬職等初往朝鮮時渠等已絕糧二三月矣沿途迎職等哀訴者鐵山廣鹿石城鹿獐等島各有安插之遼民卽自

讀此慘然  
欲絕

此念未死  
良可惻濟

鐵山至朝鮮之安州麻布川大川等處二百餘里陸續不  
絕奈皮骨僅存程腹待斃力不任兵戈匍匐道傍不能起  
甚有偃卧不能出戶者職等親至其室見奄奄氣息哀鳴  
床褥間職等心憐之亦無以益之也渠仍向職等懇曰我  
父母妻子一家俱遭奴害安得飽食一日殺奴一級死亦  
甘心職等壯之而未敢擅許也遼民萬死一生從虎穴中  
逃出望我

中國生全之也而竟以誠不聊生且日夜多死亡者真可  
憐也此遼民之情形也

一日遼兵據毛文龍冊報計五萬大要遼兵卽遼民其冊

以外非婦女則老弱者或新來者耳其目前堪用者亦不  
營二三萬其餘不獨無堅甲亦無利刃更多執挺而衣不  
蔽體者度其年貌儘堪圖攻取陣戰之用惜食不充腹器  
械不精恐難以操牽掣之勝也其南兵亦多以遠兵補額  
思餉不及時其真南兵固無日不思南還也此各兵情形  
也

一日遼官三韓旣陷遼東各衛指揮千百戶等官逃歸  
內地者固多而就便逃歸東江者亦不少除毛文龍已用  
者不計外尚有二百六十餘人有未襲職者有襲職而無  
俸糧者無不願食

公家一日之俸而効一臂之力在

內地者皆隸南等衛支糧矣在海外者孰非功臣之子孫而聽其流離瑣尾已也此遼官之情形也

一日遼生諸島中遼生共計有二百餘人職等回至鐵山越一日卽試諸生赴試者止有三十餘人如董朝紳等十餘人皆堪進取職等亦賞其流離患難中不廢誦讀但內地如山東已容其入闈中式用示

優恤而海外諸生仍不宜終錮海隅令抱向隅之泣也此遼生之情形也

一日海外商人不下五六百人半在登州半在海外據冊

借欠計九十餘萬有登州理餉官亦有還過者卽過海是  
明約借欠亦不下五六十萬據商人稟稱有銀不至手家  
不得歸而竟縊死于登者有貧已徹骨而挑水度日者及  
有爲人役使而寄食守候者近毛文龍慮餉弁之多弊欲  
移商人海外以就銀如商人畏風波之險遠欲在登株守  
以待頒政尚未決此輩熙熙攘攘爲利而往其涉風濤拚  
鉅命急軍

國不過權子母以求償耳今本息俱罄前此者已難爲償  
後此者更難爲繼此亦不可不急爲之計也此海外商人  
之情形也

一日俘解自旅順至鐵山沿海約二千餘里俱與奴隣耕牧偵探處處可以相遇以多擒少以壯擒弱或彼或此此常情也獨五月之戰的係文龍身親督陣職等將至皮島而文龍始聞向來我兵見奴卽逃而文龍能使之赴敵一往英風可謂賈壯雖被奴殺傷多將多兵我兵亦畧有擒獲已奉有不係渠魁免行俘解之

明旨矣今後仍尚畫策萬全也此俘解之情形也

一日屯田獐子島以西舊隸遼東皮島以東迺隸朝鮮其間墾田地俱以日爲計而無畝數

天啓五年一歲收各色糧食二十九萬有奇惟是島中之



田堪種者，固有而計地不寬，朝鮮之地，皆該國所不耕者，或山巔，或山坡，濬蕩不堪，而用力倍艱，要亦可接濟兵民之窮也。此屯田之情形也。

一曰朝鮮之接濟，朝鮮通

國皆山原野甚少，大率多水田，總計八道富饒，不過三道，其民朴野，不尚華飭，毛文龍以銀易

中國之貨，以貨易該

國之米，而該國仍稱苦也。據毛文龍冊該

國止天啓四年捐助銀一千兩，其餘皆以貨易之也。此朝鮮之情形也。雖然，職等又有說焉：總撥款而提衡斟酌者

大也。毛文龍以二百人入鎮江，據鐵山，招降夷，撫歸義之民，至十餘萬衆，卽不謂吮奴酋之精血，亦可謂收遼左之孑遺，不愈于遼陽一陷，威海而南，廣寧一潰，望風而遁者哉。如毛文龍者，不可不謂之豪傑，亦不可不謂之偏鋒。若堂堂正正與奴酋決勝敗于郊原，不獨職等不敢信，文龍卽文龍亦不敢自信。若能養成一隊精銳之兵，設伏用間，乘敵出奇，文龍自信其能，職等亦信文龍之能也。將將之道，惟在

皇上之神武，與本兵之運籌耳。遼民歸來者，非不衆，若何使之生全，遼兵備數者，非多，若何轉爲精銳，老職之官僚

作何查支、遼生之進取、從何向往、商人之借欠、竟何底止、  
統祈

敕下該部酌議施行、賦等奉

旨、便道詳閱、與

特遣閱視不同、不敢妄舉市恩、止將毛文龍原定花名糧  
石文冊咨部備覆、

遼東巡撫袁崇煥塘報奉

聖旨、據報奴斃已真、其子爭立、狡黠叵測、還着嚴加防禦、  
一切剿守機宜、相時而行、勿致疎虞、該部知道

本年八月初十日、  
皇老奴首逆發背死

皇極殿告成禮部請擇吉臨御奉

聖旨是卽着欽天監擇吉舉行

諭停刑

刑部擬徐自強等罪名奏上奉

聖旨是斬犯徐自強絞犯劉應乾趙三省俱着監候處決  
其餘依擬發落

兵部奉

聖旨據奏內臣撫鎮越數百里間城畧地議招集饑民安  
插屯種漸復疆土功勞可嘉敕臣魏忠賢體國赤心籌邊  
壯志鼓忠義以勵鎮守捐家資而濟軍需致令將士協和

兵威不振、數載逋逃之寇、已罹天誅、三韓蒸莽之區、今將  
復業、宜有破格之典、以酬非常之勛、于原封伯爵、晉前寧  
侯、給與應得誥券、還賞銀五十兩、綵段四表裏、羊二隻、酒  
三十瓶、新鈔三千貫、賜救獎勵、以示優異、鎮守內臣劉應  
坤、紀用、與厥臣同心經理、劉應坤、原廕弟侄一人、錦衣衛  
正千戶、加陞指揮僉事、紀用、原廕弟侄一人、錦衣衛百戶、  
加陞正千戶、撫臣袁崇煥協力擔當、給與應得誥命、其鎮  
將以及軍丁、俱依議、該部知道

旅順兵變

按旅順將官李鎮貪淫欺俗、被害人民、揭告毛繼鎮、差  
官拘提、鎮遂與爪牙兵丁計謀、于八月初三二更、放炮

事類彙編卷一百一十五

納賊邦拿差官籍口察叛放火奪船逃去  
又按族順為海口要地內藏登藩外通東運東倚蕨山  
北逼奴地若一旦不守奴知竊據則東壁單寒運輸梗  
塞其患非小非東鎮之所當急圖守禦者也

陞霍維華太僕寺卿毛一鷺南京兵部侍郎曹思誠吏部

左侍郎

削奪太學士錢龍錫

削奪倪思輝朱欽相

陸康稷張履端蔡獻臣冠帶閑住

一時削奪諸人皆奸脩之士而悉以門戶處之如吳淳  
大才髮龍田吉等相繼而躋顯要以操生殺予奪之  
柄何怪乎芝蘭剪而荆棘叢哉君子觀于人才進退之  
際可以識世運之盛衰矣

兩朝從信錄卷

兩朝從信錄卷之三十二

秀水 沈國元述

十月朔 頒曆

宣雲巡按張素養塘報毛酋乞炭挾賞不遂聚兵千餘在於滴水崖邊住牧謀搶寧疆火燒莊等堡北路叅將張承憲戰歿

是役也雖殺傷相當而碩將損兵終蹈冒陵輕進之戒可不鑒哉

孝陵衛指揮同知李之才疏請建祠奉

聖旨據奏厥臣魏忠賢恤小民之艱蠲不給之資功德被於留都矣至於捐俸以蘇造作築垣以固邊陲裁革僉賞

仁澤祠

肅清弊竇雖建祠允順輿情賜額宜昭盛典其名祠曰仁  
溥着南京守備孝陵掌印二監臣享祀春秋永虔修祀該  
衙門知道

南御史徐復陽以賄聞削奪

毛鎮北學  
其善可以  
風矣

亂意良盛

平遼總兵毛文龍遠士罹難猶勤學業疏曰慨自三韓失  
守爲大爲羊何士何民自臣鎮江一捷駐師鮮地忠招義  
撫歸順之民日以百計月以千計繩繩而來每於童頂跣  
足之群有自稱曰某某秀才未嘗不泫然淚墮悲儒流之  
狼狽至此極也臣亟予之衣冠給之資斧必爲安插職業  
於天啓三年四月間有遵化變夷之揭通告部院科道矣



後稍稍聞風而至者踵相接數年間不下二三百餘名亦給以衣冠資斧如初旋又立

文廟、權設學政以董之、期望謁

聖朝

關、濟、濟、楚、楚、也、恂、恂、穆、穆、也、夫、諸、生、當、此、流、離、顛、沛、野、居、草、處、短、褐、不、完、半、菽、難、飽、之、時、猶、不、變、素、志、不、改、常、業、循、禮、蹈、義、雍、遜、揖、讓、朝、吟、夕、哦、正、所、謂、無、恆、產、而、有、恆、心、者、惟、士、爲、能、耳、前、冊、使、視、師、鐵、山、諸、生、相、率、趨、迎、哀、陳、苦、志、願、求、明、試、閱、臣、不、勝、悲、亦、不、勝、喜、隨、課、以、文、藝、一、一、爲、之、品、題、續、續、許、可、且、置、不、勝、收、也、切、臣、武、弁、頗、知、文、墨、胡、塵

妾王二公  
遊虎作人  
其德匪細

大非并吻

孔熾遑計人文顧

國運污隆全賴士氣士氣伸則神氣振神氣振則文明盛而

國祚昌

國脉長況我

太祖高皇帝置科登賢二百餘禩猶一日也雖當盟固多故而文運丕振所以士脉之靈雖極患難而初心不渝從王益切頑鈍如職猶知拔遠士於播越之中而遠士實切明揚之有日今

皇世神聖踐祚超廢策淹幾稱野無遺逸

朝有明良、依稀乎雲從興、歌菁莪育化、追姬周文之盛治矣。獨遼士歸順有年、幽滯異域而不得一叨甄別之典、以觀光於

上國。此固遼士深可悲愍而亦

聖世之缺典也。職查天啓五年遼東巡撫喻安性有欲復遼土先收人心一疏、蒙

聖旨、俞其奏、已令遼士在北直隸等處考試科舉。業有例矣。伏乞

皇上仁同一視、羅廓八荒、仍准遼士就省科舉。或附山東、或在北京一例應試。從古英雄、每于困頓挫推之餘、動心

兩車如石。忍性煉成。百折不回之骨。做出千秋莫尚之勛。此理之常。鑿鑿不爽者。職所以於窮荒絕域之間。卽茹草臥薪而亟。亟收卹士類。實以士氣爲。國家真命脉。又安在禮義之不爲干櫓。而禁御之非盡。頗牧哉。故遼士不可不准科舉。不可不定省地。職雖賤。弁竊不避斧鉞。而冒爲越俎。其亦鄒魯之神明有迫於職之肺。腑而仰瀆。

天威耶奉

聖旨據奏甄收遼士亦變夷之微權同文之謹議也科舉省地禮部看議來說

山東撫按議曰曲阜縣一官雖

聖朝崇報先師特典而業已剖符受百里之命儼然朝士  
民理刑名治錢穀與列城竝稱邑長吏則必其人植根厚  
而取路長足以勝其任而愉快者方可免揶揄之口而磨  
民社之重乃保舉衍聖公之鼻息受恩私室既未免委身  
以徇人而考選之法又局局生員一途募青衿而朝墨綬  
儕輩先已輕之及其稍與事習而日暮途窮之念生其人  
亦自輕矣年來揭奏之紛紛雖兩大不相容之勢使然亦  
以考選之法未盡善茲當擇官之期可無更絃之鼓職等  
集議于孔氏之鄉紳商確于司道府僉云改用舉監之便

以華膳之路。優之鄉舉。至順也。以考選之權。歸之銓部。至公也。以遷轉優異之利。堅其末路。至密也。凡此者。所以重民牧。非以優舉監實。以優生員。善乎孔紳之議曰。生員可以作知縣。必可以作舉監。未有不能爲舉監。而竟可爲知縣者。且每科中式一二人。殊恩異數。政爲生員而設。所議增恩。選以酌失望。雖調停之術。亦蛇足之添。不必拘也。既經該司覆議前來。理合具題。伏乞

勅下吏部覆議上請。合無於曲阜孔氏舉監中。酌定幾名。起送赴部考選一員。銓除任事。與州縣官一體考滿陞遷。倘舉遇缺。則以明經出示。曾經兩院薦舉者。陞補庶人知

奮勵而事免窒礙於世職永永有光矣

順天府丞劉志選奏

聖主寬恩下逮、戚臣怙惡事奉

聖旨據奏、張國紀事跡多端、朕前姑令悔過自新、以全國體、如何不見省改、還着洗心滌慮、日就令圖、慰朕敦睦戚臣至意、勿得執迷不悛、自取罪責、其嚴禁蜚語、已諭緝事衙門體訪拿究、仍着實申飭行、該部知道、

參戚臣、政暗以抵、母后也、何其陰哉

山東參政分守東兗道曹文衡計擒賊首鄭江等、東省以寧

鄭江鄆海流賊之雄也。四方亡命多歸之。雖托巢開州。而其出沒爲害。則東省受之。近聞獨加佐。則剪之。後亦且奔投江海二賊自固矣。二賊不剪。則餘黨旋散。旋合。此地方之憂也。今以分守東兗道曹文衡之運奇。設伏兗州營。參將陳思明之賈勇。登先二賊一斃一擒。而射死孫東溪。活擒馮見等四十餘名。則巨魁不獨漏而零賊俱釜魚。雖有遺誅之張。加倚早晚可得也。從此兗東一帶。居者行者。俱賴以爲寧宇。

九月二十日。東兗道曹文衡移會兗州營參將陳思明。勦捕子初八日等。前後共提獲強賊三。同案九名。獲獲到上等馬四匹。鎗九。抵交于十六日。協同本道家丁范大虎等。直抵新集。于家莊地方。賊遇賊首孫東溪等。率領強賊一夥。官丁奮勇向前。將此賊首孫東溪等。斬取首級。衆賊遂上樓拒捕。失在如重。因用火筒攻。擒活賊馬見。射東全等。家屬小童。并禽主吳萬。更差三十名。馬一匹。驢二頭。鎗刀十一。在在。準輕傷家丁李名。重傷民壯龔才等。又于十八日。率領中軍官武人夫。度洞水道。家丁范大虎等。奉曹參政。密令明示。賊與賊。伏機于賊所。出沒處。至五更時分。直抵開州白頭集。與賊對敵。擒獲強賊五。可成等有賊首鄭江鄆海騎馬。



冲山集外、官兵追捕、兩騎飛馬舞刀、如風雨驟至、官兵  
將鄭江等圍、繞二賊、遂回、旋復殺出、兵丁放箭射馬、將  
鄭海馬射住、鄭海各馬就縛、三面伏兵俱至、復射之、則  
江、隨斬首級、強賊楊鴻宇、戰敗自刎、見獲賊首、則海并  
強賊孟可成等、

獲馬二匹

內官監疏頌魏忠賢殿工奉

聖旨皇極殿工我

皇初運延未舉者三十餘年、誠重之也、爰及朕躬、襄茲鉅  
典、是皆厥臣魏忠賢心無二慮、筭有定謀、惟斷乃成、經始  
贊惟王之下、用人則裕、提衡致將作之勤、開節有方、財用  
靡于久訕、勞來不怠、庶民悅以忘勞、遂使戶牖可銘、依宇  
堪御、俾朕藉手以稱繼述、厥功茂矣、其晉秩爲上公、仍加

恩三等還賞銀一百兩彩段八表裏羊二隻酒三十瓶新鈔三千貫賜勅獎勵原封太子太保肅寧侯魏良卿晉封寧國公世襲官銜照舊給與應得誥券以昭茂賞其餘內外大小官員着該部優敘具覆

兵部遵

勅書明職掌奉

聖旨據奏黔事勦以成撫之局持論甚當辰沅去黔千里有難遙度着督臣移駐貴陽與撫按諸臣和衷商確共圖萬全依議行

遣喇嘛僧錫南木座等往奴中偵問

遼撫袁崇煥奏以本僧久居五臺有禪行受  
神宗皇帝御賜勅書法衣其人空明解脫無所不暢了  
彼受

朝廷世恩止求一當以報

皇上於是遣田成等偕往奴寨  
宜諭觀其向背離合之意以爲征討撫定之計

兵部復奏苗仲助叛惡盈官兵征勦大捷奉

聖旨勾哈之捷剪賊羽翼撫按方略可嘉還用相機策勲  
以待優擢文臣周鴻圖蕭上達武臣張雲鵬胡從義及餘  
有勞吏士士舍等員或宜加銜優叙或宜一體紀錄俱係  
部擬以酬前勞而勉後效該部知道

直隸巡按梁夢環上疏頌璫并誣叅諸臣奉

聖旨據奏厥臣忠貞勞瘁克襄大典沉幾先慮潛消亂萌

功績茂著朕所鑒知何士晉久依門戶居官貪黷程註附  
權居間賄私狼籍俱着彼處撫按照原叅數目提問追贓  
解助大工沈惟炳黨邪害正賣友沽名着削了籍爲民追  
奪誥命程良籌係程註之子着吏部除名永不叙用該部  
知道

一時頌謏逆璫諸疏聞之殊爲汗且故不具載而其中  
借媚傾善者更爲拈出

戶部主事徐天鳳奏臣親死難甚烈奉

聖旨徐朝綱以身殉官闔門死難忠節可嘉恤典宜優着  
照近例酌議具覆該部知道

十一日建極殿監柱

削奪周用賓彭汝楠王夢尹王業浩

削奪沈應時周汝弼宜繼良

按是時被削者非曰門戶則曰邪黨善類空正氣塞及觀乎群小之颺崇階躋顯秩如拾如寄蓋不勝歎息矣

兵部奉

聖旨。廠臣魏忠賢奇勛茂著。謙德益光。辭廕都督同知。可勝嘉尚。其孫魏鵬翼廕錦承衛世襲指揮僉事。給與新銜。誥命。王體乾等應廕弟侄王之良。梁桂石。化琳。涂文弼。李文學。劉學孟。李之榮。俱廕錦承衛指揮僉事。世襲。劉天錫等三十七員。各廕錦承衛百戶。內有見任官。應加陞職銜者。俱依部擬。都照新銜給與。應得誥命。

朝鮮國王奏小邦情事未蒙洞悉奉

聖旨覽王奏佩昭敬之遺言懷王辰之舊德和協東鎮愛戴中朝忠貞之忱溢乎言表朕甚嘉之鎮軍久懸遼衆雜處久客累主生寡食多縱微王言朕不可坐照萬里之外乎雖然奴亦非愛王之國而不攻也毛帥在中朝牽制之着其在王國則亦唇齒之依也海上芻輓朕近責令該部多方區畫刻期接濟逃難遼民或精壯可藉或別島可分或內地可徙亦毛帥悉心節次計處俾無重爲王累并力協心王亦重勉之奴酋已斃休息有期王行百里豈半九十乎在中所開尹義等事情一一明辨傳訛之言不足介

意朕之注念傳國當不減王之傾心於朕也王其悉之諒  
部知道

十一月

陞陳九疇太常寺卿

削奪張鵬雲韓于宜郭尚賓。

削奪詞臣唐大章劉弘訓劉鍾英。

以上諸臣俱以門戶被  
削爲之扼腕。

御史梁夢環疏叅南御史梁克順削奪

同室操戈故時  
論快之。

禮部奉

聖旨徐朝綱合門死節忠烈足表世風。蔭賜謚脩與建祠  
立坊。照張振德事例賜給其妻媳孫男孫女義僕等應附



墓附祠旌表俱依擬行已而贈光祿卿廕一子錦衣千戶世襲

十八日卯時南京地震

留都禁地積朽生煙

本年十月二十六日四更時西華守門吏報稱紫城煙起各衙門往往放遙望不見火光止謂經樓後臺地有土堆廣數丈高數尺荆榛成叢隨爲刈除見煙氣如縷從土隙中出循隙挖掘土下多瓦石瓦石下几柱利坊堆積朽腐無算濕者如絮焦者如炭欲燃未燃氣蒸如炊兩日始滅識者謂煙于時朽木更能生火理或然也

遼東巡撫袁崇煥酌度主客軍兵疏曰鎮守寧遠總兵趙率教稱自奴酋發難征調邊兵成效已可槩見而該鎮費

安家與盛甲器械馬匹、且沿途行糧、疲苦驛遞、將領統眾、  
無法爲、苟有不堪言者、况正軍未必肯來、展轉而催、此損  
逃之遊手、平時原無固志、臨敵必定先奔、在此徒張空名、  
處彼已捐實績、况如邇者毛酋挾賞、邊孽漸開、九邊不宜  
舍已以芸人、本鎮熟思、合無以宣、大山西三鎮客兵、盡行  
撤回、卽募無糧之遼人、照數克補、一以免省、直各鎮征調  
之累、一以堅遼人效死之心、查得三鎮兵在關外者、冗兵  
共四千一百二十七員、馬騾共三千八百三十八匹頭、乞  
行題請發回、以壯三邊聲勢、其原募來器械盛甲馬匹、擇  
其堪用照數給值、俱照此方成價、一更張間而造無窮之

利等因到職、職隨與寧前道畢自肅面議、深以爲便、該職  
看得東事調募以來、釀無窮隱禍、誠有如該鎮所言者、若  
川酋之變、實起於調募、則該鎮未之言也、使調募而有益  
於遼、瘡可填肉、何惜割、乃調到之兵、寧但不能爲遼援、而  
主客不安、先已爲遼之擾、人人知之、人人私言之、而卒無  
人公言之者、以事關封疆、兵一撤而事生、誰執其咎、鎮臣  
用兵之人也、職與鎮臣共任遼事、而爲執咎之人也、使此  
兵無損於諸邊、有益於遼土、職將厚拓其中、以濟殘邊、無  
奈其不足倚仗而已、糜盡各邊之物力、自應稍破成議、而  
放之還、卽招遼人以填之、一轉移間、而彼此兩利、事之至

大而不容時刻緩者也。至關外不苦無兵，只苦無盔甲器械。馬匹職量擇其可用者留之，馬約二千，甲器稱是。宜依該鎮所議價值照數給還，但職此中無銀可給。念此四千二百之兵，三千八百之馬，每月應費糧銀一萬二千餘兩，應償三鎮盔甲器械馬匹銀兩不多，量二萬餘金，卽於餉司截支內之糧以給之，只兩月之餉，便覺寬然。職又慮戶部爭執，如從前兵餉中節省者，卽據之存庫，而以馬匹盔甲指爲兵工錢糧。夫馬甲器械兵工職掌，而爲遑加派之新餉，亦非戶部之歲供，皆

皇上之赤子，合而相助，總之以

皇上之金錢、畱

皇上之邊事、諸臣何容心於其間哉、伏乞

皇上勅部議覆、毅然必行、九邊幸甚、

御史張汝懋請追諸臣贓數奉

聖旨、這本說游士任楊嘉祚、房可壯、相倚貪濫、多費帑金、數多、具有冊案可查、贓私易訊、着行該撫按提問、將奏內諸項勘實、勒限追解、以助大工、游士任雖經遣戍、其贓數着行原籍撫按、另提家屬追比完解、該部知道、

御史陸獻明敬陳黔事節畧、疏曰、職自天啓三年九月奉

差按黔、十月

陞辭疾趨至黔受事。迨四年，改差湖廣。又於十二月入楚，至任計奔走於黔，及料理黔事者一年有餘。故叛酋之情，形黔務之得失，聞見頗真。嗣茲雖馳驅楚域，然日催黔餉，亦日訪黔情。每媿三載西南，無能出一畫殲逆醜。至今遺皇上南顧之憂，第黔事實有難處，甚費圖廻。今曷敢煩稱以瀆。

睿覽姑撮其梗槩而畧陳之。其着數有未能卽行者二，有勢當酌議者一，有急應整頓者三，有速宜嚴禁者二。安酋抗天作逆，屠害生靈，執戮撫臣，致全省幾爲墟莽之區。迄今費

國家金錢無筭而負固殘醜尚肆荼毒非斬馘

獻俘曷伸

國法顧揆之目前力不從心無論深林密箐之巢不可再  
試鴟張兔脫之賊莫可窮追見今將兵微餒餉寡難支彼  
兇酋羅鬼實煩有徒且苗仲昇子諸苗偏甘助虐欲問罪  
深入既犯前車欲出奇取勝又無從下手故今之不可卽  
行者勦之策其一也勦既掣肘其庶幾言撫乎第四五年  
來黔中當事者固欲討其首逆以靖一方未嘗不望其悔  
禍以蒞結局况祇縛渠魁餘從宥政煌煌

明旨謂宜可格豚魚而懷好音矣孰知其狡計深情一味

不可卽勦

侮弄悖慢之說不可

未可即撫

上聞詭云受撫輒肆邀賞我方幸就條籠彼且轉恣殺掠蓋窺貴陽之兵力尚怯以爲莫可誰何而畧無意于俯首向化故今之未能卽行者撫之說其一也夫旣不可輕用兵以堅其跳梁又未能議安懷以馴此反側則惟有脩備固圉以徐圖之耳計貴陽武事雖言不振然武弁如林士卒不下五萬以撻伐則不足以防禦則有餘黔六衛官軍久已星羅碁布三岔陸廣鴨池等處亦在在設防今年有三月初三之失事則因賊之驟而掩至出我不意耳若號令嚴明烽堠無墮卽耕種之時賊自不敢來撓我而文武



同心一意綢繆、諸凡練兵整哨、懇川養民、常常振舉、元氣  
克盈、禁衛益固、矧今

皇上勵精而治、中外臣工悉心而畫、威靈旁訖、漸次可勦  
可撫、且安位年日長大、自有愛恤爵土之念、意者可以不  
煩鞠旅、而自爾獻逆矣、所難者一日局不結、則一日黔餉  
不休、當事靡憂之、然有一說焉、假令此局目前遂結、而善  
後之策、須兵須將、將吏濟濟、不能吸露食風、乃全黔有粒  
米可供、官帑可給否也、黔餉其遂可盡撤乎、第加派不可  
爲常、楚民又已疲困、事竊則變法、變思更所當酌議者、此  
也、黔地山多地少、然寸寸耕熟、雖軍需不足、民食可資、且

逆彥蹂躪屠戮而後貴陽一帶及六衛與遵義諸處之民  
不爲荒郊骸骨則爲異省流移野無青草滿眼溝瘠天啓  
四年每斗銀至八錢職自當催運餉米之艱檄行召集耕  
種迄今二年而成熟者十無五六今年米斗二錢近聞每  
斗一錢六分則土田漸墾之效也謂宜兵可屯則廣爲屯  
民可召募則亟爲召募應給農具者悉處農具在兵則責  
之衛所在民則責之府縣行至二三年徼時之豐稔糴糴  
有賴儲蓄稍充而果腹之衆有不踴躍禦侮者乎所急整  
頓者墾田其一

祖宗立法卽邊徼靡不周詳黔之應衛所者卽有衛所應

營哨者卽有營哨。蓋因苗多民少，布防周匝，彼營哨有官，有軍，有屯，有糧，防禦有人，道途無梗，迫法弛人，既苗之出，劫卒皆窮，軍爲之前導，不惟苗毒民，而軍亦化爲苗矣。往職駐鎮遠時，議清查而官軍無糧可支，無屯可耕，營哨無聞。始整理營哨，以補官軍之舊額，設處資糧爲官軍之養贍，重懲其通苗者，開士農工商之坦途，而改差交代，設法遂中輟。第營哨不理，各苗橫行，民不安生，誰肯內治生而外禦侮？譬如人家骨肉不能自保，欲令之拒盜，內外必不得之數也。所急整頓者營哨。其一，黔因民夷錯處，故文官率多兼治民遘亂之責，自監司各道迄於府縣正佐，先年

豈爲虛設。邇來苦難畏亂。人思累足。銓除陞調其地者。除司道任事之外。強半不到宦林。有名地名無官。大率兼僉事代庖衆。魚肉疲民多。所云田土營哨諸事。疇爲料理。今合將銓除陞調者。部科旣限其到任。撫按亦嚴稽查。催督之外。計時叅處。任勞有功。地方者。撫按列名。

上聞必加優異。庶規避者咸思鼓厲。版裡處輕則降罰重則罷黜。再則提問其勇往之精神。旺沿邊之氣色。增區區狡酋何能爲哉。所急整稽核官兵。其一蜀滇之烏撒烏蒙之郊。霜亦諸土司皆安酋之至戚。若安酋技窮思遁。此皆其遁逃生也。猶可言也。搗巢之役。若輩無不助兵助餉於

安酋至今得以肆螫負隅撫臣王三善之遇難滇蜀土司  
大有力焉迄今米鹽火器等悉資籍彼中至於廣西四城  
州其上官有援黔之責而奸民需賣火藥于紅酋縱其肩  
摩踵接酋益有恃無恐到底鴛鴦夫土司土官豈不開本  
省統馭者乎倘各省撫按司道留意遏絕毋爲淵藪毋爲  
輪助安酋至坐困釜魚籠鳥詎敢抗族犯順所速宜嚴禁  
者一也黔省郭外卽係仲苗再進則蔡家尤家諸夷皆安  
逆腹心距烏江之占之遠之族盤踞而兇放更出安賊之  
上固賊之前茅後勁也官兵少則紛然來截官兵多則佯  
爲讓路徒肆阻隔思爲振刷別無良法惟計安賊在江外

恭助

急切不能兩江回獲諸苗宜插勁兵一枝猝出洗創稍  
斷其輪助之途逆彥失一臂而要害防自無創蓋創固以  
禁之也不亦治剪一策乎所爲速宜嚴禁者二也凡此數  
款俱屬實事年來黔之撫按司道固已熟計而力行之何  
俟職嘵嘵之贅顧治黔者若舍此別無他奇况職三年在  
黔在楚無日不以諸事爲念今設重以講勦而輕於圖繕  
恐全黔終是殘破之景而餉黔更無息肩之期何所籍以  
紓

聖明之焦勞乎頃觀

皇上深籌黔事且欲更換督臣於以仰見

九重奠安疆土之思職所臚列正督按諸臣事也伏望卽  
賜省覽應酌議者亟勅酌議應申飭者嚴加申飭黔地蕩  
平可期而楚蜀滇粵俱得享有寧宇矣

十二月

禮部奏定

三王之國日期、瑞王天啓七年三月十一日、惠王三月二十  
十二日、桂王四月十七日

兵部奉

聖旨、據奏三王之國、應用符驗、旂尉車夫、轎等項、預爲指  
辨、俱依議行、其舡隻、還照會典所載數目、護送、以照篤厚  
親藩至意

兵科李魯生上言黔師已老奉

聖旨、黔事、勦撫迄無成局、皆因事權相掣、意見互異、這本



臣等計處  
實便計處

議裁撫歸督卽督兼撫便指制而專責成說固是依着行  
王絨楚人不便督楚閔夢得管敘未見條畫該部議與別  
衙門用另簡堪任總督的推門五日來看以憑點用吏部  
知道

東廠照例三年類奏事奉

聖旨都城奸尼叢生廠臣魏忠賢肅法明刑俾無漏網據  
奏三年緝獲功次清釐輦轂屏逐豺狼茲至詳晰朕心嘉  
悅着廕弟侄一人與做錦衣衛指揮使世襲給與應得誥  
命還賞銀六十兩采段四表禮羊二隻酒三十瓶新鈔三  
千貫賜敕獎勵以示優異楊寰孫之鶴發奸擒伏能盡其

職着加太子太保、錦衣衛堂上僉書，照舊管束厥理刑事。其劉德仁等四十員，一併照例優敘。

兵部奉

聖旨：田爾耕緝紆有功，着于原贖兒男正千戶加陞二級，以優忠勤。其官旂陳國善等俱依擬。

關中賊首楊六等就撫。

先是賊黨繁熾，流毒關地，撫鎮諸臣制度設奇，宣威布信，賊魁楊六等率衆就撫。且因而用之，分兵列營，使貪使詐，計莫善矣。部議宜以其衆散處各營，使殺賊自贖，食死計功，資敘其抗違騷擾者治如法。

陞邵輔忠兵部尚書，仍管左侍郎事。郭華陞添設左侍郎。呂純如改右侍郎。霍維華陞兵部添設右侍郎，加總督閩

明倫彙編 家範典 卷三十三  
九  
嗚泰太子太保兵部尚書兼右副都御史總理遼餉黃運  
泰戶部尚書

陞楊邦憲右僉都御史巡撫江西陳叢鳳大理少卿陳九  
疇刑右侍郎吳淳夫右副都管太僕事馮三元右副都御  
史田吉太常少卿仍管職方事

陞許顯純右都督加太子太保崔應元右都督仍管司事  
敕封國濟運金龍四大王通濟平浪元帥從總漕蘇茂  
相請護張鶴鳴仍以太子太傅改兵部尚書兼都察院右  
都御史總督貴州四川湖廣雲南廣西軍務兼督狼領巡  
撫貴州湖北南川東偏沅等處地方

論遼東屯  
田於無此  
明快切實

遼東巡撫袁崇煥陳屯遼地疏  
臣前具疏  
請屯

皇上鄭重其事

特令從容酌議而督師王之臣疏

請斟酌慮屯田之妨民也誠膺服

明旨又感同事之忠告夙夜祇愼反復思維便兵妨民豈  
敢言此而不知邊方非腹裡比遼東又非他邊比止有衝  
所之官令軍餘耳嫡子爲官庶子爲令正子爲軍次子爲  
餘非若腹裡里甲而漏戶也又非若山陝邊郡縣之邊軍  
民錯處也故其地盡屬軍屯也

國初擇腴以餉軍軍戀而世其業承平以來以

天制武邊人喜言民而餘丁不復知其長卽正軍餘丁其  
身爲正軍之儲也綬縷愈快其貞卽正軍亦置其身買販  
中軍失是以無兵屯失是以無餉而調募轉輸遂流毒于  
天下矣我

皇上續祖

中興

明燭萬里何俟職言但其

疏原未縷陳今職敢補續再于

天聽祈

天鑒之下垂也

請先言不屯之害今日全遼兵食所仰藉者天津之截漕耳

國儲外分

京庾日罄一不便海運招商派酒那移交卸都移致北直山東民爲之疲累二不便米入海運紅戶客官沿海爲奸究添水和沙苦蓋失法該管道廳豈不加意而糴料數十萬安能數百里斷非一手一足之力米糲不堪炊料絕石可飼水兵賤賣之釀酒之家而另市其值者本色有名而無實矣兵又以折色而兼本色之用三不便遼地新復土

無所出、而以數十萬之生食、故食價日貴、兵與官餘、交受其窘、且轉販而奪、蒔門之食、蒔且以遠窘、四不便、今調券到者、俱遊手也、不以屯馳之、而久居世業、倏忽逃忘、日後更能爲調募乎、五不便、兵不屯、則着身無所顧、乏恒心、產安能保其必有之恒心、故前之凡賊輒逃者、此皆烏合無家之衆也、六不便、兵每月二兩爲餉、豈不厚、但不屯、無粟以家畜、食物不豐之處、百貨難通、諸物常貴、銀二兩、不得如平時他處數錢之用、兵以自給不敷、而逃亡、七不便、

請更端而言屯之川、計伍開屯、計屯核伍、而虛日之法、不得行、便一兵以屯爲業、可生而亦可世、久之化客兵爲土

著而免征調之騷擾。使二屯則人皆作飭而遊手之輩不  
汰。自清屯之卽爲商。便三比伍而耕。同作同止。技擊馳射  
伍之相習。耕之卽所以煉之。便四屯則有草有糧。而人馬  
不饑困。兵且得剩其前朝月餉。修整廬舍。鮮衣怒馬。爲一  
鎮富強。便五屯之久而軍有餘積。且可漸減折乾月米以  
省餉。便六城堡關道有會有溝。有封有比。水種根高下。縱  
橫聯絡。胡騎不得長驅。便七夫不屯之害若彼。屯之利若  
此。職受

皇上知最深。恐阿私借力。不罄臆忠言。而以全遼爲

天府漏卮負



明主負所學職滋感矣但職考

祖宗制度往時九邊各省無不屯之軍兵寓于田故不征調而有兵不轉輸而有餉職又考

歷朝屢飭邊左以閒屯而畏難遠怨無人肯任又考

國制凡閒屯者俱官給牛各種具當農司拮据之日職亦不敢比例以苦歲供故止

請于七年海運額米之中折本色十二萬五千石爲銀十萬兩以作民本此不過將吾兵應得者特預之而以米折致牛具不敢更費設不然耕手來春必喂養牛力于今冬倏忽年終最難措手此職所以亟

請于

皇上而更望當事者之及時乘機也。若夫屯之法，則有祖宗之制在。非奉

祖制，斷不能調人情，無容職一毫作意者。其言前已宣之。臣逐段清楚照管。萬畝軍六十人，餘丁三十人之例。先擇腴者以給官給軍，而世不失業。業不失則伍嘗有人，正軍餘丁之外而有剝地，則與汰脫之世家及流寓者令其盡力開墾。俟成熟後，願輸子粒，草萊者聽不願者，不强之以招來。若錦衣一帶，明春且通管布散以耕。俟城堡已完，井牧可耕，又如寧前法，自此而廣寧、河東一城一堡，循漸以

進我不勞而虞日促由此行之不變奴子不除必爲我擒  
矣足食足兵要邊制勝無有過于此者職伏覲

皇上

聖明

英武興利除害千古大有爲之

堯舜也而厥臣魏忠賢與閣部諸臣俱一時稷卨夔龍之  
遠以主督聞鳴泰職之知已經臣王之臣職之同心而內  
臣劉應坤陶文孟用等與職約矢恢復職以所遇非偶故  
敢卜爲之必成伏乞

皇上

勅下該部速行議復卽將來折銀于是月解到俾職分經  
各營官軍買米制具庶屯戰守三事隨變而應如環無端  
皇上勿謂職僅辨農也屯政故剿殺無敵之方畧也而鎮  
臣趙卒教可婉充

國願

皇上始終任之職始終爲之保任如爲而無成有三尺在  
其或以意撓職之成者亦有三尺在職斷不敢以意斷事  
而身試法也

陝西巡撫張維樞奉旨催解捐貲銀兩奉

聖旨據奏張問達竭力捐助身已病故情有可憐這續完

銀三千兩作速解進以助軍餉其未完銀數着撫按行勘家賞奏請定奪該部知道

劉其忠徐天衢冠帶閑住

削奪真憲時

俱坐以門戶故也

宗人府請

收纂玉牒

陞過庭訓應天府丞聶慎行補稽勲主事

南京太監創魏忠賢祠額名崇勲

御史劉徽疏參諸臣奉

聖旨覽奏熊廷弼侵盜帑金不下百萬着該撫按嚴提家屬追贓劉弘化黨惡受賄亦有萬餘該撫按嚴行提問追贓毛士龍邪黨渠魁盜庫納賄有據着法司提來究問追贓房可壯樊尚燦侵課贓私卽行巡鹽御史徹底清查追贓具奏樊尚燦先行削籍爲民當差仍追奪誥命該部知道

逮王之來戊孫慎行爲逆黨劉志選所誣叅也  
督師王之臣恢違議疏曰切念東事荏苒九年  
國匱民窮心殫力竭從來無一勝着人人言滅奴而奴終  
朱滅日言恢違而違竟未恢所謂議論多而成功少也臣

目盡守關門旬月以來惟與諸將飭戰守之具期于一當

奴茲者天厭奴氛一旦暴亡豈非陰投

中國以恢復之機而在我卽當應天順人爲覆巢絕卵之計似亦無容再議者但廷臣偷安成習舍正路而傍趨仍前畫餅則遼事終無歸結匈奴愈蓄驕狂而

皇上東顧之憂天下望治之願將何時而可慰乎臣用是日夜疚心謹條議數款一據廣寧以窺河東一定軍營以固根本一調班兵以亟修築一分兵民以安地方一設道臣以清屯馬一合水陸以張撻伐一用西虜以感東夷一令關寧以通脈絡一集衆思以廣忠誼一絕和議以杜蒙

端此皆目前急着。舍此而言滅賊。謂之望洋。舍此而言復  
遼。謂之畫餅。臣先任密云。時有慨于中。不敢明言。嫌于越  
俎。及任榆關。骨鯁不吐者。又將恭月。若再坐視。不言溺職。  
之愆。死不足贖幸遇。

聖明在御。弊轍盡更。因思轍之弊。莫大于遼。

國家經費。莫煩于遼。邊備廢弛。人情玩忽。莫甚于遼。若不  
及早更張。無論外枯中乾。日甚一日。而養此附骨之癰。舍  
刃能不用。直至潰而爲大命憂。何嗟及矣。說者有言。奴已  
天亡。其子易與。世豈有僭號稱孤之人。而易與者乎。臣身  
任封疆。區區狗馬血誠。



皇天后土實所共鑒若快志榮名漫嘗私智以僥富貴利達之倖臣不惟不敢且亦不去也今日惟望

皇上不厭再四丁寧此事邊臣毋彼疆此界毋外合中离必肝胆相照而後可以共濟有一相左事必無成仍

諭諸臣毋再執和議蹈宋人自愚自娛之弊茲者虜能謝孝賚有夷書自稱天金國天命元年卽此觀之果係恭順而來降乎若未降也果可以成擒乎或揆異日而始擒之則不可不早爲計也更望再

諭司農疆臣有事拓土非循途守轍之日必須表裏相應使軍前嘗有餘資方不授蔭蠹後至于海外孤軍了無資

餉荷戈終年一飽無時情甚堪怜如遇大聲疾呼亦當急爲之所毋就懸歲几致因同仇壯志銷戰士雄心將見綸命一傳而三方之師未杯甲而氣自信矣如以臣爲不肖言之或未必能行行之未必能效

請卽將臣罷斥另選能者任之幸毋使中外議臣如土木偶人不進不退塊然獨處也唯

皇上一言之斷庶邊事有更新之望人情有鼓勵之機轉弱爲強變夷爲夏而

封疆

社稷當另具一番景象矣臣具

疏將發適接撫臣袁

題稿爲職差偵諭據實回奏事內稱遣使偵虜備敘將命反命種種交接事情頗與傳報各官所報于臣者兩不相同至于喇嘛東去時臣在關上還不知其根因後知而急止之則行已遠矣合

疏稱與臣會議僉同又謂合詞

上聞臣實未知何敢謬認爲知而自欺欺人也適本僧至關卽呼問之僧言原稟並未及臣一字不知撫何據而疏名以

聞也臣曾不可其事而又會同

疏。臣豈反復至此。倘

皇上據以問臣。臣將何辭以對。臣惟魯無他長。惟是勿欺一念。蓋自幼學以至于今矣。並乞

聖明垂察。

一曰修城堡。廣寧附近悉爲九磔。自西世東。務先逐節長程。經營安插。而民可屯。兵可練也。

次曰定軍營。關外至寧遠二百里之間。歸附綦衆。宜將一帶。選其將有謀。而兵有勇者。後駐于遠。海大小各城。一以衛民。一以禦虜。相沿不替。而遠民之歸附者。占籍一定。永爲世業。官不地爲傳舍。民不以官爲過客。如是

而可守可戰。人心固矣。

三曰調班兵。河西五百里城堡。丘墟者三十餘處。大而要者則廣寧。錦義。凌河。右屯。諸處。首當繕治。須借力班軍。酌請工費。以成恢復之實。

四曰分兵民。冠在門庭。使將士從事私私。可乎。朝廷以餉餉兵急在。後遠遠復而兵可輟。餉可省矣。歸來遠

民焉能家給而人哺之、仍以遠土處遠民、使各自食其力、未可奪之于兵、以絕其生路也。

五日清屯馬、馬匹餓死、一任官軍開報、即便買補、買補愈速、則死愈多、正以稽察無人、爲一大漏卮、宜奪設一風力文臣、提綱領而謹核之。

六日合水陸三方布置、肩兩久成、曾遣兵會哨于登海、東江聲息已通、若非力同心、各出輕兵、分道而屢撓之、此制勝之道也。

七日用西虜昔年王象乾撫西虜、正爲復地復民之計、乃虜兒我兵不振、無志恢復、因而渙散、奴即多方要結、不惟金珠子女、與哈喇慎察罕諸酋約婚姻、挾花等營已吞其餉、惟虎愁不屑受、譯審總兵王世忠、係非閩金台什之子、恨奴頗覆其巢穴、飲痛入骨、感

天朝收錄、一目未嘗忘奴也、且世忠之甥女、得寵于虎愁、虎愁甚注意已、許助兵報仇、今鼓舞而聯絡之、資于十萬師矣。

八日令開寧、欲督撫同心復遠也。

九日集衆思、十日絕和議、年來奴受梗于西虜、度掣于朝鮮、一旦議和、彼必離心、是益敝以自孤也、近月逆收過都、會處夷

鞭其背云、你從人全沒胸子、終日只說我們不助真、偷自家馱載許多金帛、着哈喇替他串老球、和灰教別人與他爲仇、我們也不如投順他罷了、按此我將何辭應之、且此議一倡、奴子愈得意、不西攻虜、則南攻鮮、先遣晉人伐假道諸謀而徐爲取虜之計矣

兩朝從信錄卷三十一終